

欽定大清會典事例

欽定大清會典事例卷六百七

兵部

八旗處分例

田宅

承追

緝私

田宅。康熙四年題准分給佐領下房屋地土。佐領驍騎校隱占不給。或私賃取租者革職。如驍騎校隱占佐領失察。佐領隱占驍騎校失察。將失察之員罰俸一年。若佐領驍騎校止買壯丁。捏稱並買房屋地土造入冊內者革職。又題准佐領驍騎校捏開人名多領官房官地未入己者。降一級調用。入己及私賃或轉賣與人。

者革職。仍追租價並房地交部。失察之參領等。罰俸一年。都統副都統罰俸六月。如佐領下人多領或冒領者。失察之佐領驍騎校罰俸一年。參領等罰俸六月。都統副都統罰俸兩月。○十五年題准旗員將應納錢糧田地私自隱匿一畝至九畝者降四級調用。十畝以上革職。一頃以上革職。杖一百折贖。永不敘用。隱匿田畝入官。錢糧按年追納。如自行出首。不拘年限免議。仍自出首之年徵收錢糧。○又題准旗員奉委丈量地畝。遲延限期。或將丈量之地畝不明白。

詳報或不送文冊。檄催並不申覆。或令其監丈。互相推諉不行者。皆罰俸一年。○又題准旗員擅買民地者。罰俸三月。○雍正二年議准。挖欠錢糧之人。已報入官田產。佐領驍騎校隱匿不報者。革職。侵入己者。交刑部治罪。失察之參領副參領降一級調用。都統副都統罰俸六月。其令人居住耕種不納租銀者。佐領驍騎校降一級調用。參領副參領罰俸一年。如應入官田產。本人未交。佐領驍騎校通同隱匿者。革職。侵入己者。交刑部治罪。失察者。佐領驍騎校降

一級調用。參領副參領罰俸一年。都統副都統
罰俸三月。○又議准。挖欠錢糧之人。將田產報
官抵項。承辦之佐領驍騎校。估價短少。或不候
准賣部文。即賣者。罰俸一年。參領副參領罰俸
六月。估價浮多。或開造數目不實者。佐領驍騎
校。降一級調用。參領副參領罰俸一年。都統副
都統。罰俸六月。其本人報官抵項。若將田產數
目開造不實者。係官降一級調用。常人鞭八十。
如本人照原典買之。價報官抵項。或有不數令
承辦官確估呈報。本人免議。○又議准。官房倒

壞該管官不請修理者。罰俸六月。該管大員。罰俸三月。若因損壞遺失官物者。仍令分賠。○九年。奏准八旗游牧察哈爾地畝。除經戶部理藩院定議許令民人居住耕種者。仍照各案覆准事例遵行外。其未奉部院覆准。概不許私募民人耕種容留居住。及越界多墾違者。係官降三級調用。常人鞭八十。該總管及該管官查出報明該旗者。免議。若失察者。將該管官降一級調用。總管副管罰俸一年。若通同徇隱。別經發覺。將該總管副管及該管官。皆降二級調用。○乾

隆七年奏准承追虧空之參領佐領等官。能將所匿房產查出。值二千兩以上者。紀錄一次。值四千兩者。紀錄二次。值六千兩者。紀錄三次。值八千兩者。加一級。多者按此遞加。○二十四年奏准旗人將地畝租給民人佃種者。不得過三年。違者。業主租戶俱交部治罪。該管參領佐領等交部議處。○又奏准旗人認買公產及回贖民典旗地。均不許典賣與民人。違者。將業主售主。均照隱匿地畝例。治罪。地畝價銀一併追出入官。失察之該管參領佐領。交部分別議處。○

二十六年奏准京城蓋造官房。查明實無住址之兵丁。賞給居住。每旗奏請各派大臣一員。令其管轄。倘有私行租典與人者。從重治罪。失察之該管大臣。參領佐領。並步軍統領。一併交部議處。二十九年奏准八旗官兵閒散人等。報出絕戶地畝七分入官。三分留作祭田。其地不足三十畝者。全行留作祭田。如報出之地雖多。所留之地亦不得過三十畝。其並無親屬家人。交該佐領下可託之人。將每年收取地租代為祭掃。有將此項地畝私行典賣者。除將典賣之

人從重治罪外。該佐領驍騎校參領副參領。照失察例查議。○三十八年奏准將應變之田房產業估價千兩以內者。限六月內變完。不完罰俸六月。再限六月。仍不完者。罰俸一年。至千兩及數千兩以上。一時不能即售者。令該管將軍都統副都統等酌量分作一年或二年完解。仍先將分年完解之處報部存案。如限內完不及所分之數者。將承辦官員查叅。罰俸六月。一年不完。罰俸一年。二年以後不完。每年罰俸一年。限內全完千兩一案者。紀錄一次。以次遞加。○

四十九年定。旗員及閒散家奴人等。置買房地。概令呈明該管佐領。按期分於左右兩翼監督衙門納稅。過契如隱匿旗籍。私向大興宛平二縣納稅。請領契尾。並該縣私准納稅者。均以違制論。官員俱交部議處。閒散家奴俱鞭責發落。仍勒令補稅換照。並令步軍統領衙門會同順天府尹不時稽查。查出立即參究。五十七年

諭。前據梁肯堂奏請修雄縣駐防兵房一摺。恐係從前承修之員。未能堅固如式。當經降旨飭查。茲據該督覆奏。此項兵房均係康熙十二年建蓋。乾隆二十六

年續修。今已坍塌。其續修工程。自不及初建之堅固如式。前經防守尉阿爾景阿移會委員驗看屬實。所有估需銀一千八百兩零。請先在司庫動撥趕修。其二十六年動用之項。著落前任雄縣知縣李斌家屬名下照數追賠等語。駐防兵丁官為建蓋房屋。俾資棲止。免其自行租賃。已屬格外恩施。該兵丁等即當視同己業。加意愛護。或遇有水火之災。人力無從防護。如從前荊州滿營被衝。及本年熱河隄工一帶。猝被山水者。原不惜帑金。為之另行建葺。若不過每歲風雨飄搖。稍有滲漏殘損。該兵丁自應隨時黏

補免致。欬傾豈得視為傳舍。任其年久塌壞。迨難以棲止。又請官為辦理。似此屢圮屢修。帑項虛糜。伊于胡底。况即如京城滿兵。惟健銳火器二營。並八旗之新舊營房。及圓明園之八旗營房。俱係官為建蓋。此乃特恩。其餘八旗親軍護軍馬甲步甲等。俱無官給房屋。伊等亦止藉錢糧各行租賃。並未見其露處。是各省駐防。得有官房居住。較之八旗兵丁。已屬從優。何得不知愛護。致令塌壞。率請官修。除雄縣兵房。即照該督所奏。著落前任知縣李斌家屬名下如數追賠外。防守尉阿爾景阿。平時不能留心查察。一任兵

丁等將房屋殘損且不報所管大臣即行文地方官甚屬乖張著罰俸三年以示懲儆嗣後京中各營及各省駐防如該營原有生息銀兩可以動用者所居房屋實在年久敝傾尚可准其各自動項修葺若並無存公銀兩之營分不得擅動官項率請興修以歸覈實。梁肯堂所辦差錯著該部察議。○嘉慶六年奏准各省旗地如有旗民人等私行開墾該旗界官於本年未經查出呈報者罰俸一年。三年以上降一級留任。五年以上降一級調用。接任官即以接印之日起按年扣算。照此例議處。如自

行查出呈報者。將前官議處。接任官免議。○又奏准賞給兵丁居住官房。僮有私行租典與人者。失察之該管佐領驍騎校罰俸一年。領催鞭六十。參領等罰俸六月。管轄大臣步軍統領均罰俸三月。○又奏准旗人將地畝租給民人佃種過三年者。失察該管佐領罰俸六月。參領罰俸三月。○又奏准旗人將認買公產及回贖民典旗地典賣與民人者。失察之佐領並管旗界各員均罰俸一年。兼轄官罰俸六月。其失察旗人領種地畝私佃民人者。亦照此例議處。○又

奏准八旗絕戶地畝私行典賣者。失察之佐領
驍騎校罰俸一年。參領副參領罰俸六月。七
年奏准應交各項銀兩人員無力完繳。願呈房
產抵項者。如係兄弟未經分析之產。按兄弟名
數均分。將本人名下應得之股呈出入官。僅有
託詞產業未分。任意混冒。照隱匿財產例辦理。
若該管官勒令將兄弟名下應得之產一併呈
出。致滋被累者。佐領驍騎校降一級留任。參領
副參領罰俸一年。都統副都統罰俸六月。○道

光九年

諭。兵部彙題本內。議敘派管侍衛營房之頭等侍衛吉齡。阿紀錄一次。二等待衛敬敷。按品升等。雖係照例辦理。惟該員等同一管理三年期滿。一則予以紀錄。一則予以升階。定例殊未平允。嗣後該管侍衛三年期滿。均著紀錄一次。毋庸按品升等。此次吉齡阿敬敷。俱著照新例。各予紀錄一次。○又定。

御前

乾清門侍衛等。

賞給房間三十所。由領侍衛內大臣於侍衛內擬派二員。作為侍衛營長。不時稽查。毋許閒雜人等

居住如不按所指官房居住令閒雜人等居住者。參奏治罪。侍衛營長不實心查察。一併參奏。若能留心稽查。三年期滿。由領侍衛內大臣奏明交部議敘。各予紀錄一次。十二年奏定旗人如近京並

盛京等處有地畝可種者。准其告假自往清查。如願自種。准其呈明遷徙居住。或與原佃之人夥種分糧。或撤出一半。自行耕種。仍留一半。與原佃耕種。若佃戶家奴強霸旗產。不容撤出者。准其呈明地方官究辦。若旗人必欲全行撤出。不

肯留一半與原佃耕種者仍照奪佃之例辦理
○光緒六年議准旗營官員將該管營房箭廳
不能隨時培修乃藉倒塌擅行拆毀者降二級
調用

承追○康熙年間議准八旗有承追之銀一千
兩以上者於文到日限一年追完不完將佐領
驍騎校罰俸一年參領署參領罰俸六月都統
副都統罰俸三月再限一年不完佐領驍騎校
降一級留任參領副參領罰俸一年都統副都
統罰俸六月再限一年追完佐領驍騎校開復

不完。照所降之級調用。參領署參領降一級留任。都統副都統罰俸一年。承追千兩至五千兩者。以五年為期。每案每年追完二分。不及二分者。佐領驍騎校。初參降俸一級。二參罰俸一年。三參降一級。四參再降一級。皆留任。五年限滿。追完開復。不完。照所降之級調用。承追五千兩以上者。以十分為率。勒限五年。佐領驍騎校。初參不完。降俸二級。二參罰俸一年。三參降一級。四參再降一級。皆留任。五年限滿。能完至七分者。准其開復。未完之銀。再行按年起限。不及七

分。照所降之級調用。督催各官。一千兩至五千兩以上者。每案勒限五年。按數督催。遞年完至二分者。免議。不及二分者。參領署參領。初參罰俸六月。二參罰俸九月。三參罰俸一年。四參降一級留任。五年限滿全完。開復。不完。降二級留任。都統副都統。每案初參罰俸三月。二參罰俸六月。三參罰俸九月。四參罰俸一年。五年限滿無完。降一級留任。未完之銀。再行按年起限。追完。開復。至接任承追督催各官。均以任事之日起。扣限追催。如本人實係無力完帑。佐領驍騎

校出結報明參領轉報都統副都統奏請豁免
不得株連親族僮濫行著落親族代賠將承追
官革職若豁免後本人現有隱瞞產業悉行入
官將出結之佐領驍騎校革職轉報之參領署
參領降二級調用奏請之都統等罰俸一年所
欠之銀著落出結之佐領驍騎校賠補如該管
都統副都統及參領署參領有逼勒出結之事
不行出首者將出結並逼勒之官皆革職○又
議准佐領驍騎校有承追之銀於一年限內追
完三百兩以上之案者每案紀錄一次千兩以

上之案五年限內追完者紀錄一次。參領署參領追完三百兩以上之案者每三案紀錄一次。都統副都統追完三百兩以上之案者每十案紀錄一次。接任官以任事之日起限於一年限內追完千兩以上之案者加一級五千兩以上之案者加二級一萬兩以上之案者加三級。此等加級遇別案承追應降調者准其抵銷。若於一年限內追完一萬五千兩以上之案者以應升之官即用。○雍正二年議准。

盛京旗人所種地畝應交米豆草以經管地界之

協領城守尉為督催官。佐領防禦驍騎校為經
徵官。徵糧一石作銀一兩。如經徵千兩以下。一
年內全完者。紀錄一次。千兩以上三千兩以下。
一年內全完者。紀錄二次。三千兩以上。一年內
全完者。紀錄三次。督催五千兩以下。一年內全
完者。紀錄一次。五千兩以上一萬兩以下。一年
內全完者。紀錄二次。一萬兩以上。一年內全完
者。紀錄三次。如有不完。各計分數。叅處。經徵官
欠一分者。罰俸六月。二分罰俸一年。三分降俸
一級。四分降俸二級。五分降職一級。六分降職

二級七分降職三級八分降職四級皆戴罪經
徵完日開復欠九分十分者革職督催官欠一
分者罰俸三月二分罰俸六月三分罰俸一年
四分降俸一級五分降俸二級六分降職一級
七分降職二級八分降職三級九分降職四級
皆戴罪督催完日開復欠十分者革職。乾隆
元年議准凡八旗承追虧空贓罰等項果屬無
力完帑奏請豁免不得混開借欠希冀搪抵如
本人經管錢糧時所屬有借支借領並同官挪
用出有印領者准其開報仍將出印領之人照

私借錢糧例議處按數勒追至其平日債負或幫助親友或同官私借雖有文約並無印領者不准開報勒追儻該佐領驍騎校因受囑徇私聽其開報妄拏無辜勒追者照故勘平人律治罪得賄者計贓以枉法從重論參領副參領不據實查報者降二級調用若因規避議處指引開報者佐領驍騎校革職參領副參領失察者降一級留任如受其朦朧開報混行勒追者佐領驍騎校降二級調用參領副參領罰俸一年

○二十四年奏准八旗有承追之銀一千兩至

五千兩者。以四年為期。每年每案追完二分五釐。完不及數者。佐領驍騎校。初參降俸二級。二參罰俸一年。三參降一級留任。限滿追完開復。不完。照所降之級調用。督催各官。亦每案勒限四年。按數督催。遞年完至二分五釐者。免議。完不及數者。參領副參領。初參罰俸六月。二參罰俸九月。三參罰俸一年。四參降一級留任。全完開復。五千兩以上者。均照舊例。至工程數減報銷腳價等項。數在三百兩以下者。限六月追完。三百兩以上者。限一年追完。逾限不完。照雜項

錢糧例議處。○又奏准佐領驍騎校有承追之銀一千兩以上者限以四年。五千兩以上者限以五年。十分通完各准其紀錄一次。○二十六年奏准外省咨旗著追銀兩。凡數在三百兩以下者定限六月。三百兩以上者定限一年。按限催追。如限滿不完。照例查叅議處。○四十九年奏准旗員徵追未完銀兩。後經分賠。無承追之責者。原議之案。照承緝案犯被鄰境別汛拏獲之例。按其叅限應得處分。減等議處完結。○嘉慶六年奏准八旗挖欠錢糧人員。無力完補及

完不足數。該旗查實。取具印結送部存案。照例坐扣。如有查報不實者。該管官罰俸一年。○又奏准八旗存公銀兩。該參領登記出納數目。按月造冊。送稽查衙門查覈。該參領離任時。接任官交盤出結。如有虧挪等弊。將參領革職治罪。仍令賠補。都統等明知虧挪不行題參。降三級調用。○又奏准旗員應賠各項銀兩。該員子孫有隱漏不報。希圖幸免者。一經查出。即將應追銀兩著落賠繳。並將蒙混出結之佐領降二級調用。轉報之參領降一級留任。若業已題豁後。

其子孫續有得官者免其重扣。○七年奏准承
追因公覈減及分賠代賠等項銀兩數在三百
兩以下者於文到日限六月通完不完佐領驍
騎校降俸一級再限六月不完罰俸六月另行
起限承追三百兩以上至一千兩者限一年通
完不完將佐領驍騎校罰俸六月參領副參領
罰俸三月都統副都統暫行免議再限一年不
完佐領驍騎校罰俸一年參領副參領罰俸六
月都統副都統罰俸三月再限一年不完佐領
驍騎校降一級留任參領副參領罰俸一年都

統副都統罰俸六月。一千兩至五千兩者。以四年為期。每年每案追完二分五釐。完不及數者。佐領驍騎校。初參降俸一級。二參罰俸六月。三參罰俸一年。四參限滿不完。降一級留任。五千兩以上者。亦以十分為率。勒限五年。佐領驍騎校。初參不完。降俸一級。二參不完。罰俸六月。三參不完。罰俸一年。四參不完。降一級留任。五年限滿。如能完至七分者。准其開復。令其按年起限。承追如完不及七分者。降一級調用。督催各官。一千兩至五千兩者。每案勒限四年。督催完

不及數者。參領副參領每案初參罰俸三月。二
參罰俸六月。三參罰俸九月。四參罰俸一年。五
千兩以上者。至五年限滿不完。降一級留任。都
統副都統每案初參免議。二參罰俸三月。三參
罰俸六月。四參罰俸九月。如五千兩以上者。至
五年限滿不完。罰俸一年。以上仍另行按年起
限。追完開復。其接任承追督催各官。以任事之
日起扣限催追。又奏准凡應繳各項銀兩。有
實係無力完帑者。佐領驍騎校具結報明參領
等。轉報該都統副都統咨部題豁。不得株連親

族僕不據實具結咨部題豁。致令失所。將佐領
驍騎校降一級留任。參領副參領罰俸一年。都
統副都統罰俸六月。又奏准八旗因公拖欠
錢糧人員無力完補。又完不足數。令該管各官
取具並無隱匿印結送部存案。將本身及兄弟
子姪俸銀內分別數目按年坐扣一半。如有隱
匿之處。照隱匿財產例辦理。又奏准凡同案
分賠公項人員。有家產盡絕無力完補者。將其
人名下應賠之數豁除。不得復於同案各員名
下重複攤派。並禁止在於通省各官養廉內攤

扣更不得於承追旗分省分著落賠補違者以
違

制諭按律議處。又奏准回旗人員應追各項銀兩。
該員一面按限完繳。如有部減不符。及任所派
賠不公等情。准於本旗呈明。移咨任所覈辦。毋
許擅求自赴任所清釐。儻該管官有混為聲請
者。照贍徇例。降二級調用。如任所督撫因案內
情節紛繁。必須親自質對。將緣由聲明。咨部移
咨該旗。飭令該員前往清釐。完竣時即行勒令
回旗。若有藉端他往。擾累地方情事。該督撫即

據實嚴叅治罪。○又奏准。挖欠官項。本人力不能完。所有承產之兄弟子姪。分肥之僚友。經手之吏役家奴。及寄頓財產之人。確查屬實。均應著賠。若分居析產之兄弟族屬。及不知情之親友奴僕。並未侵漁公帑。寄頓私財者。承造官有巧藉名色。勒令賠補。或藉稱嚴察寄頓。刑求嚇詐等弊。俱革職。儻受累之人。告發。上司不為准理。照徇庇例。降三級調用。○道光十年

諭。富俊等奏。官兵隨缺地租。請照承催餘租之例。一律造報考成一摺。盛京內外各城官兵隨缺地租各地

方官因無考成並不實力催交。近來有拖欠至一二年之久者。據富俊等查照成案。請將經徵之員。明定勸懲章程。著照所請。嗣後除自行耕種者毋庸議外。所有交旗民地方官招佃取租者。照舊有餘地。分別佃戶。係旗人。責成界官承催。係民人。責成民員承催。一律造報考成。咨送盛京戶部奉天府府尹查覈。十月內通完者。照例議敘。如催追不完。附題叅處。以專責成。而免拖欠。○十八年議准。

盛京等處額徵餘地租銀。責成經徵之員。隨徵隨解。如有徵存銀兩。延緩不解。違限不及一月者。

罰俸三月。一月以上。罰俸六月。二月以上。罰俸九月。三月以上。罰俸一年。四月以上。罰俸二年。五月以上。降一級留任。半年以上。降二級留任。一年以上。降三級調用。督催之員。照此例減一等議處。○十九年議准。東三省專城旗員。凡經徵雜項稅羨銀錢。隨收隨解。如有遞延。照州縣徵收田房稅羨銀兩解交。遲延例。罰俸一年。緝私。○康熙二十四年議准。在京旗人有私鑄私毀。或攙和小錢行使者。事發。照例治罪。該管官知情者。革職治罪。失察者。驍騎校降一級。罰

俸一年。佐領降一級留任。參領罰俸兩月。都統副都統罰俸一月。領催鞭一百。若本旗之人在別旗地方有犯者。本旗各該管官亦照此例議處。如旗人及民人在步軍營所管地方有犯者。該汛步軍校。照驍騎校例。步軍協尉。照佐領例。步軍翼尉。統領。照都統副都統例。分別議處。如奴僕有犯。家主知情者。照例治罪。失察者。係官降二級留任。常人鞭一百。房主及鄰佑知情者。照例治罪。失察者。係官降一級留任。常人鞭一百。若城外居住及看墳之奴僕有犯。家主照此

例議處。看守奴僕賃與他人有犯者。奴僕照房
主例治罪。家主免議。在屯莊處有犯屯領催照
在京領催例議處。家主及該管官皆免議。凡失
察之該管官有能自行拏獲者。不論年月遠近。
准其免議。係本旗之官拏獲者。同旗失察官亦
免議。步軍統領衙門拏獲者。該汛失察官免議。
內務府番役拏獲者。內務府失察官免議。若係
別衙門及別旗拏獲者。其失察之該管官仍議
處。駐防旗人有犯驍騎校照在京驍騎校例。佐
領防禦照在京佐領例。協領總管城守尉防守

尉照在京參領例。將軍都統副都統照在京都
統副都統例分別議處。○又奏准旗人販賣私
鹽者照例治罪。係正身將該佐領驍騎校罰俸
一月。領催鞭五十。係內務府所屬人將內管領
副內管領罰俸一月。領催鞭五十。係奴僕家主
係官罰俸兩月。常人鞭七十。若屯莊居住之旗
人有犯將屯領催鞭五十。該管佐領驍騎校領
催皆免議。至因公差之人有犯將領去之該管
官各罰俸兩月。領催等鞭五十。有能自行拏獲
者皆免議。○嘉慶六年奏准旗人有私鑄私毀

或攬和小錢行使者。除失察之佐領驍騎校。照舊議處外。參領副參領罰俸六月。都統副都統罰俸三月。如旗人民人在步軍營所管地方有犯者。該汛步軍校步軍協尉副尉。仍照舊議處。步軍翼尉罰俸六月。步軍統領總兵罰俸三月。至本旗人在別旗地方有犯。及駐防旗人有犯。其應議各官。均照此分別議處。○道光十六年。議准京城城門直班官兵。故縱蠹棍姦牙運米出城回漕。犯被順天府拏獲。審有兵丁得贓。官弁知情者。門領門千總門吏。均革職。交刑部治

罪。漫無覺察之翼尉副翼尉降二級留任。不准抵銷。步軍統領暨該翼總兵均罰俸一年。○二十六年議准。八旗步軍營地方。如有偷竊官銅。售賣人犯。該管地面官失於查拏者。罰俸一月。

○咸豐四年

諭。嗣後責成步軍統領衙門。順天府五城及各該地方大小員弁。懍遵疊降諭旨。於私鑄大錢人犯。實力嚴拏。具有拏獲大夥私鑄。及私造鑄錢器具。並鄰里軍民首告得實。應即給予獎敘。如官役有徇隱包庇受賄。賣放挾嫌誣告情事。及姦民知情容隱者。尤應加

等懲處。欽此遵。

旨議定。一。大夥私鑄。

十人以上為大夥。

無論有無拒捕傷人。專

管官每起降二級留任。兼轄官每起罰俸一年。

俱限一年緝拏。限滿不獲。專管官照所降之級

調用。兼轄官降一級留任。一。私鑄拒捕。專管官

諱匿不報。或將數起報作一起者。俱革職。兼轄

官降二級調用。統轄官降一級調用。如上司徇

庇不叅。降三級調用。一。京外地方官失察私造

鑄錢器具。降一級調用。如尚未行用。即行訪拏。

與案犯並獲者。無論本境鄰境。每起准其加一

級一。私鑄之案。如由地方紳衿稟報。係大夥私鑄得實者。給予加一級。係小夥並私造器具得實者。紀錄一次。鄰里軍民首告得實者。由地方官酌給獎賞。一。京城步軍統領所屬汛地兵丁。及外省駐防各旗營兵丁。如有徇隱包庇受賄。賣放私鑄案犯等情。本管官故縱者。革職止於失察。犯該杖徒者。降一級調用。犯該軍流者。降二級調用。犯該斬絞者。降三級調用。上司失察者。每案降一級留任。若本管官自行訪出究辦者。免議。一。兵丁以查拏私鑄大錢為由。肆行搶

奪挾嫌誣告。失察之該管官。照文職失察捕役
誣良為盜例議處。已致死者。革職。未致死者。降
三級調用。係已革兵丁。已致死者。降二級調用。
未致死者。降一級調用。自行訪拏。審出。未致死
者。免議。已致死者。仍照例議處。係匪徒冒充汛
兵。犯有前項情弊。將專汛官降一級留任。一營
汛武職官員。拏獲大夥私鑄之案。將案犯全數
緝獲者。無論本境鄰境。准步軍統領及駐防將
軍。都統。副都統等。奏請給咨送部引。

見照獲盜人員議敘。其並非大夥私鑄。地方官訪查

破案將首犯及匠人全獲者。如連獲三起以上。無論本境鄰境。准步軍統領及駐防將軍。都統副都統。併案奏請。給予升銜。其有失察處分。並准將拏獲之案。分起抵免。○同治元年議准東邊外等處卡倫。每年由

盛京將軍派員前往查拏偷運木植賊犯。如報獲木植無多。比之歷年數目懸殊。將查拏不力之員。降二級留任。

欽定大清會典事例卷六百八

兵部

八旗處分例

奏章文冊

儀制

印信

送

奏章文冊○康熙十一年題准○內外旗員有不
係密事妄稱密奏○及借公行私以私事具奏者○
降二級調用○其一應本章○有不應密而密者○罰
俸六月○又奏准○將軍都統副都統等本內緊
要字貼黃內遺漏○或貼黃內所用之字○本內遺
漏○或冊疏互異者○俱罰俸三月○雍正五年議
准○在京八旗除行文傳集在京官員人等○不用

封套外。凡各行部院衙門及外省一應公文。均加封套實封。事關重大者用釘封。至駐防將軍都統副都統等題奏本章事關緊要者。將副本揭帖用密封字樣封固。投遞通政使司。各行各旗及各部院。並與屬官來往公文。係緊要事。亦用密封。以上內外都統將軍副都統等。收到緊要密封公文。均親拆收存。如將應密之事不密。以致洩漏。重者降一級留任。輕者罰俸九月。○六年議准。印文及出關票引有遺失者。官罰俸三月。兵鞭五十。均仍補給。○十一年議准。八旗

各官具摺奏事。奉有

硃批諭旨者。在京即行恭繳。在外於下次奏事之便。封固恭繳。若任意遲延。及隱匿不繳者。革職。○十二年議准。八旗傳事印文。傳畢。即行取回銷毀。儻不查收。致人藉以夜行者。承辦官罰俸兩月。若將豫備傳事印文。收儲不謹。被人竊去。夜行者。承辦官罰俸六月。○乾隆三年奏准。外任將軍。都統。副都統等。奉有

硃批諭旨。未及恭繳之先。有緣事降革及病故者。於回旗之日。或本人或親屬。呈明該旗都統等代

為恭繳。如隱匿收存。查出治罪。○二十四年

諭。凡定例應行題奏之事。各該管大臣或僅咨部辦理。此實畏奏規避之惡習。該部即應據咨查奏。將不行題奏之處。請旨申飭。若事關緊要。即於奏內聲明。叅處庶於政務不致遲延。而外省大吏亦曉然於違例咨部之非。方克稱部院大臣職掌。若必駁令具奏交部。始行定議。則簿書期會。徒滋案牘。於實政究何裨益。嗣後各部院衙門及八旗都統等。凡遇此等事件。俱遵此旨行。○又奏准。內外旗員造冊舛錯遺漏。非關錢糧之案者。造冊官罰俸三月。轉報官罰俸

一月。○二十五年奉

旨。曉諭各部院衙門八旗。嗣後接到外省咨文。應行具奏辦理者。即行具奏辦理。應行參奏辦理者。即行參奏辦理。○三十四年奏准。嗣後恭遇

諭旨內有宣示中外知之者。在京武職以及在外駐防等衙門。俱刊刻謄黃。張挂曉諭。如不行宣示者。罰俸一年。○三十五年。

諭部院八旗各衙門。嗣後凡遇各該處請示咨報之案。除有例可循者。仍照常覈議咨覆外。若係必須奏請定奪之事。無論應准應駁。即著據咨議准議駁奏聞。

並將應奏不奏之大臣等附參交議。不得徇於推諉。錮習。貽誤公事。儻不知悔改。復蹈故轍。一經察出。定將違例吞駁之大臣等。一併嚴加議處。著為令。○三十九年奏准。官員將欽奉

上諭及

特旨交辦事件。遺失遺漏者。經手之員。降一級留任。罰俸一年。如係尋常事件。降一級留任。○四十九年奏准。健銳營各行各處事件。該翼長呈明該管大臣查明轉報。如有遺漏。該管大臣與轉報官一例議處。○嘉慶六年奏准。八旗各營公

署所存檔案。被竊在一百件以上者。將防守不嚴之該班章京降一級留任。該管參領副參領。罰俸一年。失察之都統副都統。罰俸六月。一百件以下者。該班章京罰俸一年。該管參領副參領。罰俸六月。都統副都統。罰俸三月。○又奏准八旗具奏事件。奉

旨後將奏摺及所奏

諭旨黏連一處。合縫處鈐印收存。另設號簿。將具奏年月事由。及所奉

諭旨。謄寫簿內。用印備查。承辦官遇有升轉事故。不

行交代明白者。罰俸三月。○又奏准。將軍都統副都統等題奏本章內錯寫官銜。或從旁添字。或錯字者。罰俸一月。○又奏准。八旗宗人府咨行各省文移。備文移咨兵部。加具隨咨轉行。不准徑行外省。違者。承辦官罰俸九月。該管大臣罰俸一月。○又奏准。官員因揀選補放引

見。將本身年歲行走年分履歷造報舛錯者。罰俸一年。如非本身履歷。承辦官造報舛錯者。罰俸九月。未能查出更正之轉報官。均罰俸六月。休致官員呈報出兵打仗殺賊受傷數目舛錯。承辦

官不行詳查轉報者。罰俸六月。○又奏准。官員將襲官

敕書收藏不慎。以致遺失。當即具報者。降一級留任。隱匿不報者。降二級留任。該管各官並未查出呈報者。將佐領駙騎校。罰俸一年。參領副參領。罰俸六月。若外省駐防官員。因公進京。代領他人襲官

敕書。收藏不慎。中途遺失者。罰俸一年。○道光十二年題准。旗人擅遞匿名封章。失察之都統副都統。罰俸六月。該管參領副參領。佐領。均降一級

留任。○十六年議准。章京行文訛誤舛錯者。罰俸三月。○十九年議准。佐領承辦檔案遺漏舛錯者。罰俸兩月。○咸豐二年奉

旨。特克慎奏。交代回京後請訓一摺。特克慎係己革人員。到京時不准遞摺請安。著該旗奏聞。○四年議准。滿洲大臣清字摺內。繕入漢字

諭旨者。罰俸九月。○十一年奉

旨。伊車蘇前因清字奏摺內錯字太多。當時並未申飭。今專摺謝恩。又繕用漢字。竟染漢習。凡滿洲大臣。每遇謝恩。俱應繕寫清字摺具奏。今伊車蘇繕寫漢字

摺謝恩實屬非是。伊車蘇著交部議處。欽此。遵旨議定。滿洲大臣具摺謝

恩。俱應繕寫清文。如有誤寫漢字者。罰俸一年。○同治十年題准。軍機處發交

御章。應於次日恭繳。若遞事旗員猝然患病。漏未恭繳者。比照遲誤表文例。罰俸一年。其幫同遞事之員。亦致遺漏者。比照曠官不到例。罰俸一年。○光緒四年議准。八旗武職大臣。於奉

旨飭查事件含糊題奏者。降一級留任。其屬員呈請上司代題代奏事件。如不將實在情節逐細聲

明者將呈請之員亦降一級留任。

凡詳報申覆不將實在情

節詳細聲明者亦照此例議處

該上司不行查明率為題奏者。

罰俸一年。○又議准八旗都統奉

旨回奏並不據實回奏者降一級調用。○五年議准

武職大員奏事摺內未將摺底撤出者罰俸三

月。

儀制。○原定八旗官員借用引馬及馬項繫纓

者罰俸六月。該管官知而不禁者罰俸三月。○

又定鑾儀衛儀仗如有遺失者掌衛事內大臣

鑾儀使各罰俸三月。該管冠軍使雲麾使治儀

正整儀尉各罰俸九月。損壞不呈請更換者。該管冠軍使以下各官皆罰俸一月。○又定。

陵寢儀仗等物有遺失者。該管官罰俸九月。損壞不呈請更換者。罰俸一月。○又定。內外旗員於引見時不候

諭旨。即將所得功牌瀆奏者。罰俸六月。○康熙四十二年覆准。旗員於應用朝服之日不用。及違例錯用者。罰俸一月。○雍正二年覆准。旗員恭遇升殿慶典。及迎接

詔書。有失誤不到者。罰俸六月。所司已接部寺等衙

門知會。不即傳知者。亦罰俸六月。接

駕不到。及常朝不到者。罰俸一月。至朝賀各官。有班
行不正。跪立不齊者。罰俸一月。稽察官不舉報
者。議處之例同。○七年定。八旗會議事件。各該
大臣如期會議。分別左右翼。各按品級列坐。詳
悉定議。於會議之處畫題。如越次不整者。罰俸
一月。○八年議准。凡遇祭祀

壇

廟。應行陪祀各官。由部於前期數日。將八旗都統副都
統等繕寫名籤恭請

欽點八人。稽察齋戒。祀畢。仍將陪祀各官開列奏聞。若應陪祀各官。無故不行齋戒。或已開齋戒不至者。罰俸一年。該管大員不行查叅者。罰俸六月。若臨期後至。不及陪祀者。罰俸一月。○又議在。官員遇常朝日。託故不到者。罰俸一月。未朝詐稱已朝者。罰俸一年。捏供同朝之官。罰俸兩月。其已註病。不在家而他出者。罰俸一年。至無故出城過宿。失誤朝期者。革職。如因掃墓。醫病等事。不及進城者。罰俸一月。○十三年。奏准。旗員文武兼任者。文職品級大用。文職補服。武職品

級大用武職補服。如品級相同用文職補服。違者罰俸六月。該管官知而不禁者。罰俸三月。補服與帽頂坐褥不相符者。亦照此例議處。○乾隆元年議准。朝會之日。看守

午門

端門

闕門各官。不將閒雜書役人等攔阻。聽其肆行出入者。查由何門出入。將該管門官罰俸一月。至坐班行禮之際。各官僕從。令該旗所委驍騎校。並看守朝房之步軍校。盡行逐出。如不行逐出。

經稽察官參奏。將該驍騎校步軍校及僕從之主。各罰俸一月。○三年奏准。

大朝

大祀日。

聖駕出入。各官僕從肆行喧譁爭競衝突擁擠者。交刑部杖一百。其主罰俸三月。常朝日有肆行喧譁爭競衝突擁擠者。交刑部杖六十。其主罰俸一月。至在內執事人。並大臣侍衛之僕從犯者。交各該管衙門治罪。○又議准。喪儀齊集之處。有失誤不到者。罰俸六月。所司已接承辦衙

門知會。不即傳知者。亦罰俸六月。○七年奏准。旗員有瘋疾者。令其親族看管。疾愈之後。該管官仍留心試看一年。果已痊愈。方准上朝。其

大內監工及守衛

紫禁城之處。永停差委。在外仍行差委。若疾愈未過一年。即令上朝。或仍差委

大內監工守衛

紫禁城者。該管官罰俸九月。○又奏准。八旗婚喪等事。所用器物。有違例僭越者。係官罰俸一年。常人鞭五十。失察之佐領。驍騎校。各罰俸六月。

領催族長鞭三十。族長係官亦罰俸六月。該管
參領副參領罰俸三月。該管大員及查旗各官
不行查出者。皆罰俸兩月。若有一處查出。皆准
免議。○又奏准八旗官兵服色均有定制。如僭
用五爪立龍團龍補服之類。係官革職。兵及閒
散人。交刑部治罪。僭用之物入官。未經查出之
佐領駙騎校每案罰俸三月。參領副參領每二
案罰俸三月。都統副都統每三案罰俸三月。領
催族長鞭五十。若奴僕有犯。交刑部治罪。其主
係官罰俸三月。常人鞭五十。該管各官皆免議。

借用尋常服色者。係官罰俸一年。兵及閒散人
鞭五十。未經查出之佐領。駙騎校。每案罰俸一
月。參領副參領。每二案罰俸一月。都統副都統。
每三案罰俸一月。領催族長。鞭二十五。若奴僕
有犯鞭五十。其主係官罰俸一月。常人鞭二十
五。該管各官皆免議。以上應議之族長係官。照
佐領例議處。○十三年議准。旗員應陪祀者。於
期前將職名造冊送部。其有故不能陪祀者。於
各該員名下註明。祭祀之日。由部委官於查收
職名有不到者。指名參奏。若陪祀各官。屆期偶

患疾病不能到者。將情由呈報稽察衙門。○二

十二年

諭。伍齡安奏請整齊儀仗一摺。所奏甚是。丹墀儀仗之
後。兩旁派官員侍衛稽查。階上兩隅派護軍參領等
管束之處。俱著照所奏行。交各該處遵照辦理。階上
遞茶。原有派出之侍衛。著交五福等按數酌派。不必
多人。王公等跟隨。著於伊等護衛內。每人各派一人
攜持坐具。亦不必多人。即太監等亦不得容一人。著
直班護軍統領嚴察。如違即行叅處。○二十四年奏
准。貝勒貝子公都統及二品大臣等。概不准乘

轎。如有擅行乘轎者。各該衙門及步軍統領查
旗御史即行叅奏。儻未經查出。將失於查察之
步軍統領等官。罰俸一年。○又奏准八旗及

盛京各省駐防官員升遷調補及軍政卓異。降調
革職奉

旨從寬留任。並京員奉

特旨及議敘加級紀錄者。兵部及該旗該衙門開列
職名。移送鴻臚寺定期傳令謝

恩。如有無故逾限不行謝

恩者。經鴻臚寺查叅。將該員罰俸一年。○又奏准。應

行陪祀各官。無故不行齋戒。一年內三次以上不到者。降一級留任。罰俸一年。八次以上不到者。降二級調用。○又奏准守護

陵寢世襲防禦等官。遇祭祀之期。如有遲誤者。革職。不准承襲。○又奏准恭遇典禮上朝及常朝日期。官員坐次。按品排班。違者罰俸兩月。該管大臣不行參奏。罰俸一月。○又奏准凡遇齋戒之期。該旗不豫期。將本旗應行陪祀齋戒官員職名。造冊移送太常寺。及轉送都察院。以備稽查。或冊內有遺漏齋戒官職名者。將造冊各官。罰俸

六月。○又奏准恭遇

皇帝親祭

壇

廟。八旗應行迎送各官。無故不到者。罰俸六月。○又奏
准。八旗官員在公所辦事。儻有越分違例任意
行走者。照違令律。罰俸九月。○二十九年覆准。
八旗防禦各員。不得仍前僭挂朝珠。儻有違犯。
該將軍等即行指參。○三十四年

諭。嗣後各王公屬下人等。惟京員向各門往來。仍照舊
不禁外。現居外任職官。因事來京者。概不許於本管

王公處謁見通問。以清弊源。著為令。儻仍不知省改。或久而復沿故轍。一經發覺。除本人從重治罪外。其本管王公等亦一體懲治。必不稍為寬貸。○三十七年奏准。凡遇祭祀日期。隨

駕前引後扈大臣侍衛。及有執事侍衛官員拜唐阿等。俱於

午門外騎馬。一品跟役三名。二品跟役二名。三品以下侍衛官員拜唐阿。俱各跟役一名。騎馬跟隨。如有多帶跟役。及無執事人等混入者。管轄大臣即行指名題參。分別治罪。○五十九年奏

准陪祀應行齋戒大臣。遇有出差告假等事。於冊內註明。以憑查覈。如不詳悉填註。至奉

旨交議後。始行聲請扣除。將承辦造冊各員。照經手遺漏例。罰俸一年。覈對各員。照不行詳查例。罰俸六月。○嘉慶五年

諭。向來凡遇祭祀日期。隨駕前引後扈之大臣及侍衛。並有執事官員人等。俱准午門外騎馬。本日朕披閱刑部進呈修改律例。內載一品大臣跟役三人。二品大臣跟役二人。三品以下侍衛官員等俱跟役一人。騎馬行走。限制綦嚴。乃近年以來。隨扈之大臣官員。

所帶跟役在午門外騎馬者過多。朕從前隨侍

皇考詣

壇時。目擊隨從大臣等。不特騎從紛闐。較之定例人數多至數倍。並有妄行馳驟者。實為縱肆。此皆日久因循。無人稽覈所致。嗣後凡遇祭祀駕出午門。所有隨從大臣官員。應帶騎馬跟役。俱應按照定例。著交護軍統領查察。如有例外多帶人數者。即應據實嚴參。照違制律治罪。○八年

諭。朕近見出入祭祀

壇

廟拈香日期。隨朕之御前。乾清門大臣侍衛等。豫備馬匹之人。騎馬俱離朕甚近。不成事體。嗣後凡遇朕幸各處。跟役人等。豫備馬匹。務須離遠。現在朕明日詣先農壇行耕藉典禮。至更衣處。不須閒散多人。儻有混行爭前者。拏究。將其主重處。○十一年

諭。近有藍翎侍衛倫布。與筆帖式慶雲。在街鬪毆一案。因倫布未戴翎頂。所以將倫布革職示懲。並特降諭。旨訓飭文武官員。嗣後儻有不戴翎頂閒行者。一經查出。即著降調。如另有游蕩滋事等情。著即革職。再行審辦。今倫布及從前在城門官廳咆哮之佟關保。

弟兄皆係黏竿處侍衛監翎侍衛整儀尉。可見該領侍衛內大臣鑾儀衛大臣及黏竿處大臣。顯係平日於該管之侍衛章京。並不留心約束教導。雖經如此降旨訓誡。該管大臣等。不過將此旨閱看後。傳令曉諭各侍衛章京等而已。而各侍衛章京等。或竟有不得聞見者。著交領侍衛內大臣鑾儀衛大臣黏竿處大臣等。務將該管侍衛章京等傳齊。著伊等恭傳此旨。一一面加教導訓飭遵行。經此次訓諭後。倘有違旨。仍不戴翎頂。在外閒行。或游蕩滋事者。一經拏獲。先將該管大臣等。曾否傳旨訓飭該員。該員照從前

所降諭旨治罪。若該管大臣等並未傳旨訓飭。不但將該員治罪。並將該管大臣一併治罪。決不寬貸。再隨圍之侍衛章京官員內。朕曾見有不戴翎頂。及露首坐食街市者。即使無力不能攜帶火食。亦當在街市買至下處食用。豈有身係職官。竟不戴翎頂坐食街市之理乎。著交總理行營王大臣等通行曉諭。嗣後凡在行營隨往之侍衛章京官員等。儻仍有不戴翎頂。露首街市。游蕩喫飯者。該總理王大臣等。立即拘拏。指名奏治罪。斷毋徇隱。○十五年

諭。朕在宮內之日。散秩大臣向例每日進內。該員等亦

有兼管旗分營務者。日日入直。並有分管事務。未免積壓。又以不能上衙門辦事。藉口躲避。嗣後散秩大臣。除並未兼管旗營及僅兼管一處之員。仍照舊每日入直。如有二三處事務者。俱著於奏事之日進內。餘日上衙門辦事。毋庸進內。如遇朕出入。

天壇齋宮。及至各廟宇拈香。並臨蒞西苑等處。傳膳辦事。其無執事之散秩大臣。亦毋庸隨往。著為令。○道

光四年奉

旨。嗣後各部院衙門旗營引見人員。應入禁門者。務各將應入人數。開單豫行咨送管門大臣。以備查覈。儻

若疏懈致有混入者一經查出定行重處決不寬貸。

○七年

諭前據奕紹奏初十日祭

奉先殿獻爵侍衛到班遲誤請交領侍衛內大臣查明具奏當以所奏未能明晰命軍機大臣傳旨詢問據稱獻爵遲誤十六員內禮成後趕到者十二員其餘四員竟未趕到係令獻帛侍衛幫同獻爵於典禮尙未貽誤等語祀典至鉅執事者各有專司均宜肅恭將事即以獻帛之員恭代獻爵已屬不合乃將初獻之爵先行陳設尤屬愆儀現據領侍衛內大臣等將

遲誤各員查明叅奏。本應嚴辦示懲。念係初次不到。姑從薄罰。恆敏永茂中達綿護四員。竟未到班。著即革去侍衛。仍交宗人府嚴加議處。承順祝康敬斌秀年世增奕幸吉亮秀鶴興昌九員。到班已遲。俱著交宗人府嚴加議處。康保因在內直班。伊家人未能將傳牌送進。遲誤尚出有因。著加恩免其交議。其實齡在圓明園直班。敬凱未經接到傳牌。既據領侍衛內大臣查明屬實。均毋庸議。至奕紹以親王奉派行禮。又係領侍衛內大臣。即應將該侍衛等遲誤緣由。查明據實嚴叅。何得含糊具奏塞責。嗣後凡遇祭祀應

派執事人員著該管官先期發給傳牌俾得早為豫備。如有遲誤失儀等事。即著派出行禮之阿哥王公等。據實參奏。毋得瞻徇姑息。以昭慎重。○十九年奉旨。敬敏奏貝子奕緒接班遲誤。據實奏明請旨。此次奕緒輪應進班。因赴園謝恩。以致到班遲誤。與無故曠誤者有間。著如恩免其議處。嗣後該班王大臣等。輪應進班之日。遇有應行赴園謝恩事件。著於出班之次日謝恩。以昭畫一。○又議准侍衛於引見時。帶班錯誤。罰俸三月。○咸豐元年議准帶領八

旗引

見人員如將綠頭牌呈遞舛錯者將該大臣罰俸三月。○五年

諭武職大員有操練弁兵之責。理應騎坐馬匹。以習勤勞。儻或自耽安逸。平時出入。違例坐轎。一旦身臨行陣。安望其奮勇爭先。為弁兵表率。向來武職坐轎。例禁綦嚴。犯者必加懲治。曾於乾隆嘉慶年間。疊奉

聖諭訓戒明切。自應永遠恪遵。乃近年以來。漸就廢弛。上年浙江黃巖鎮總兵湯倫。即以擅坐肩輿被叅。本日復據御史宗援辰奏。浙省武職大員。類皆違例坐轎。甚至閩省帶勇來浙之偏裨小校。亦多效尤等語。

浙省如此。他省亦恐不免。現在粵匪未靖。徵兵會勦。各省武職大員。應如何實心操練。勤習技藝。以期緩急足恃。若惟知自圖便安。不思振作。將來營伍積弊。更不可問。著再行通諭各直省駐防將軍副都統等。及提鎮各員。儻有違例坐轎者。一經奏叅。必治以應得之罪。其駐防城守尉以下。綠營副將以下。犯者尤當從重治罪。決不寬貸。○八年議准。凡八旗兼任大

臣。如遇各該衙門。同日均有帶領引

見人員。應循照先後班次帶領。儻有疏忽空誤者。罰俸六月。○九年議准。八旗都統帶領引

見失儀。罰俸六月。○又議准恭遇

聖駕出入。應行站班之該大臣侍衛等。有排立錯誤者。罰俸三月。○又議准恭遇

大祀。獻爵未到之章京革職。到遲之章京實降一級。折罰世職半俸三年。免其降調世職。○同治元年議准。前引差使空誤。罰俸一年。○二年議准。分獻之散秩大臣遲誤未到者。革職。○三年議准。皇帝詣各處拈香。管轄之委散秩大臣空誤未到者。罰俸六月。侍衛處司員漏未傳知。罰俸一年。○四年議准。應行站班之委散秩大臣。誤當前引

差使者。罰俸六月。○五年議准。站班遲誤者。罰俸六月。○十一年議准。跟隨後扈臨時遲延者。罰俸六月。○光緒二年議准。前引差使遲誤。罰俸六月。○又議准。擬陪引。

見之藍翎侍衛。遲誤未到。罰俸六月。○九年議准。凡遇祭祀。臨事跛倚者。革職。○十三年議准。旗營大臣

召見到遲者。罰俸六月。

印信。○康熙三十三年奏准。官員關防印信模糊。不行請換者。查出。罰俸六月。將軍都統副都

統等據詳不行咨題者亦罰俸六月。請換之員免議。其應交舊印於開用新印日起限四箇月內繳部。違限者罰俸六月。○又奏准內外武職旗員往來文移及呈報上司事件俱鈐蓋印信。如有倒用印信及漏用印信者俱罰俸一年。如

署事官及兼管官員錯用印信者罰俸三月。署

官如應用本任印信而錯用署任印信兼任官如參領兼佐領應用參領關防而錯用佐領圖

類記之○雍正六年議准八旗衙門封印前一日

於空紙及封套上豫行用印登記數目該都統等收存以備封印後遇有緊要之事填用仍登

記用過數目。開印日將未用者驗明銷毀。有藉端作弊者。交部治罪。該都統等不行詳查。罰俸六月。○十二年奏准。差往馬廠副都統起程之前。將空紙封套鈐用本旗都統印信。酌量足用數目帶往。以備咨行之用。回將戶過數目開明。知照都統存案。未用者當面銷毀。儻有遺失者。將差往副都統罰俸三月。○乾隆七年奏准。諸王貝勒貝子公等。有行文該旗之事。該長史並辦理家務之人列名。用府屬參領關防。送至該旗。其有行文部院各衙門者。用府屬參領關

防。送至該旗。由該旗用印轉行。如長史等不鈐用參領關防。仍用白文。及該旗將白文接受者。各罰俸一年。○三十五年奏准。八旗駐防武職署事官兼轄官。錯用倒用印信。罰俸三月。至將定例後事件。作為定例以前年月日期用印。給予者。均降一級調用。○又奏准。官員領受印信。關防圖記之時。如查驗所刻印文錯誤。即行呈明更換。若不將錯誤之處查驗聲明。日後被人查出者。將領印之員。罰俸六月。○嘉慶六年奏准。佐領因本身借貸銀錢。押典房地。並代人作

保於契券內妄用圖記者降一級調用。○又奏
准旗人捏造假契希圖誑騙該佐領徇情私用
圖記者降三級調用。如該佐領漫無查察輒於
假契內擅用圖記者降二級調用。失察之參領
副參領罰俸一年。旗人捏造假契賄囑佐領私
用圖記或佐領通同捏契私用圖記誑騙銀錢
者將該佐領革職治罪。失察之參領副參領降
一級留任。都統副都統罰俸一年。○道光二年
奏定佐領圖記如不謹慎收藏致被盜賊偷竊
實有盜竊情形可據者將該佐領降二級調用

若將圖記貨當。或潛攜在外遺失。裝點情形。捏報偷竊者。革職提問。○咸豐十一年題准。旗營官員領取印鈐。將執照牌遺失者。罰俸一年。○同治十二年題准。在京各衙門庫儲印信。如有竊失者。看庫直班之員。革職留任。○光緒七年議准。盜用印信。該管官自行查出者。免議。若失察盜用。已行者降一級調用。未行者罰俸一年。如於行用後自行查出究辦。減為降一級留任。尚未行用。別經發覺。獲犯究辦。減為罰俸六月。送考。○雍正七年題准。八旗鄉會試。由禮部於

四箇月之前。行文咨取名冊。各該旗將應考人等。查明實係本旗滿洲蒙古漢軍。並無混冒。應行咨送者。開具姓名年貌。備造清冊。於兩箇月之前。咨送禮部。如該旗造冊遲延。禮部查參。承辦官遲延十日以上者。罰俸三月。一月以上者。罰俸六月。若遇鄉試之年。不拘四月兩月之限。於科考後。該旗速行造冊送部。如所送名冊內。不詳加查覈。致有漢軍冒入滿洲額內。取中者。將混行造報之承辦官。降一級調用。不行詳查。出咨之該管大臣。降一級留任。其臨考時。每旗

派參領一員。每參領下派賢能章京一員送考。該佐領及該內管領各派領催一名。帶領應試人等。與派出送考之參領章京識認。各旗將派出之參領章京及領催等職名。同應試名冊一併咨送禮部。該部查對名冊時。傳集參領等對閱。至入場時。令參領等識認送考。如對冊入場時。該參領等本身不到者。指名參奏。罰俸一年。其會試之年。該旗豫行造冊咨送禮部。轉咨兵部查對。考試騎射。仍令各旗出派參領章京等。於監射入圍時識認送考。如有入場時代倩頂

替者將識認送考之參領章京等降一級調用。
○又題准八旗考試進士兵部考試騎射之日。
每旗派參領章京各一員佐領內管領下領催
一名帶領應試之人識認如參領章京等本身
不到者罰俸一年領催鞭五十。○又覆准凡遇
文武鄉會試及繙譯鄉會試之期各旗副都統
於兵部咨取職名時即各派所管旗分參領章
京並挑選本旗老成勤慎能識清漢字領催於
宣

旨之日帶至

午門前預備。派出後。即將該參領章京領催等帶
領入場。凡應試旗人。於所編號房柵欄之外。俱
令領催等加意看守。查照卷面字號放進封號。
率同參領等稽察。不許私出。若該副都統管轄
不嚴。罰俸一年。或領催生事不法。將該參領章
京指名題參。降一級調用。至考試八旗文生員
並繙譯生員。如有士子等越號換卷代倩等弊。
及所帶之領催等生事不法。該管之副都統參
領章京等。均照此例。分別議處。○十二年覆准。
內外八旗生員及漢軍武生。遇有事故。應行補

考者該旗委員送考。如該生捏詞託故抗不赴考。該旗各官混行造冊詳報。除該生除名外。佐領驍騎校降一級調用。參領副參領罰俸六月。

○乾隆四年

諭。朕從前降旨將代賠祖父虧空已奉恩免人等。停選停補者。准歸入伊等班次銓用。其應追賠祖父虧空革職之員。亦准其一體開復。今朕念旗人有因代賠祖父虧空力不能完。治以枷責之罪者。此等人員與本身虧空及緣事枷責者。究屬有間。概行擯棄。情亦可憫。伊等如願考試。著該旗查明除原案內載有不

准考試字樣外俱准一體考試俾各奮勉自新以昭
朕格外加恩之至意欽此遵

旨議定旗人有因祖父虧空力不能完治以枷責等罪
者如係閒散人應准其考試其有已經出仕及
進士舉人貢監生員等均照閒散人等准其一
體應童子試並得預旗下繙譯等項考試其有
曾經發遣及入卒者庫

赦回者其本身亦不准考試若將不准考試之人及
緣別事黜革之人咨送考試者將承辦造冊官
降一級留任出咨之該管大臣罰俸一年如有

頂冒應考人等。審查不實。混行咨送考試者。將承辦之造冊官。降二級調用。率行出咨之該管大臣。降二級留任。若係臨場時頂冒者。將該旗識認之章京。降二級調用。承辦造冊之員免議。

○九年奏准。考試之期。每翼派賢能參領。協同點名官。於貢院轆門外。點名給籤。毋許送考人等。混入轆門。如送考之參領。章京。及轆門參領。不行管束。以致送考人等。混入轆門。經巡察御史查參者。即將該參領等。罰俸一年。○嘉慶十五年

諭。向例入場之日。各該旗俱有參領領催等。親行識認。送考。乃奉行日久。視為具文。更不免頂替代倩之弊。所有各旗委出之參領領催等。如有於考試日託故不到者。著稽察御史查明參奏。○十六年奉

旨。本年辛未科覆試中式武舉姚三元楊定泰蕭煥新劉慶長。俱弓力不符。罰停殿試。由於原監射王大臣等校閱草率。不能認真拔取。所議罰俸之處。均著實罰。不准抵銷。此後著為令。○道光元年

諭。嗣後考試八旗繙譯。著承辦場務衙門。奏請簡派左右翼副都統各一員。屆期帶領所屬官兵。在點名之

處稽查彈壓。令士子等魚貫入場。如有喧鬧冒混者。按例懲辦。並著該御史等據實奏。以肅場規。而除積弊。著為令。○二年奏定會試武舉。揭曉後。兵部於殿試之前。將近派親王郡王。兼管都統之親王郡王。六部滿漢堂官開列。並上次曾否。

欽派阿哥覆試緣由聲明請

旨

欽點二三員。傳集中式武舉。覆勘馬步箭。並按照會試原冊所填弓刀石斤重號數。逐一演試。如前後參差者。即行參奏。將該武舉罰停。

殿試一科。其原挑取之監射大臣較射大臣附叅

交部議處。每罰科武舉一名。罰俸六月。○三年

諭。向例八旗童試入場之日。由各該旗派出參佐領領催等。親行識認。所以重甄拔而除積弊。定例綦嚴。乃日久視為具文。並不當堂識認。以致頂替代倩諸弊叢生。本日毛式郇等奏考試漢軍文章。鑲藍旗派出識認章京陳慶祥。無故不到。殊屬藐玩。著交兵部照例議處。經此次飭諭之後。儻屢訓不悛。各旗派出之員。仍復託故不到。一經叅奏。必將該員從重議處不貸。○九年奏定八旗會試對冊入場時。參領等應識

認送考。本身不到者。指名叅奏。降一級留任。○
又奏定。八旗考試。兵部考試騎射之日。每旗派
叅領章京各一員。佐領內管領下領催一名。帶
領應試之人。識認如叅領章京等本身不到者。
降一級留任。領催鞭七十。○十二年議定。嗣後
旗籍應文鄉試者。遇有應編官卷。由本家呈報
佐領。由叅領詳加查覈造冊。一面咨送順天府
辦理試卷。一面咨送禮部查覈。其試卷應註明
官字。如有混入民卷取中者。本家漏報。將本官
革職。本生黜革。佐領漏報。降二級調用。不行詳

查之參領降一級調用。○光緒八年

諭順天學政孫詒經奏考試八旗童生。查出頂替四
十四卷。照例查究。並請飭部嚴定章程等語。嗣後
八旗童試。應如何革除積習。嚴定章程之處。著禮
部妥議具奏。欽此。遵

旨議定八旗童生考試騎射。及入場考試時。該參佐
領章京領催。照例公同識認。如有頂名冒替情
弊。即回明點名御史。將本童及槍替之人。送部
究辦。儻各該員等並未指拏。別經發覺。其失於
識認之參領佐領章京降一級調用。領催鞭八

十知情容隱者。參領佐領章京革職。領催斥革。如有受賄情事。參領佐領章京革職治罪。領催斥革治罪。如本章童入場後。在場內舞弊。其識認之參領佐領章京領催不知情者免議。